

南
雷
文
定

南雷文定三集卷二

山陽門人戴

曾晨

較訂

董在中募誌銘

嗟乎才之難也。於千萬人之中而生一人焉。宜乎爲天所愛護。堅牢名器。願迅風陵雨。愚智同盡。將爲生之者有意乎。無意乎。甬江之上。唯董氏爲多才子。吾友天鑑有子四人。長允瑄。次允珂。允瑋。允璘。風塵所集。無不拭目。十年之間。吾始哭允璘。繼哭允珂。又哭允瑄。吐珠於澤。誰能不舍。而乃同之瓦礫乎。允瑄字

在中董孝子之後世爲明州人祖應圭字五銘舉萬曆己酉鄉試知和易鄧三州父德偁字天鑑舉崇禎丙子鄉試戶部主事在中生而卓犖讀書迎解下筆有奇語家庭自爲師友郡中試案必以董氏爲眉目在中前後積取高等文學南豐詩學東坡久之併備於諸儒之語錄其會心在傳習錄陽明之學達於人心以求學術之要世以其非箋傳舊本有信有不信在中心通臆暢不以世論而奪也康熙己酉舉於解試因得盡交天下名公鉅卿皆傾下之崑山葉詡庵先生一時冰鑑慎許可在中投之行卷嗟賞以管葛

事業贈詩有董子家東海獻賦來帝闕視我領一篇
浩法三峽奔所言雖甚夥仁義實本根進止更可觀
笑語謁春溫都雅周谷刀貴重魯璵璠驚問所師誰
答言是黃君故詠庵之知余由在中也會舉博學鴻
儒詠庵遂以余之姓名面啓息上余空山麋鹿不
諸世用庶幾同學之士共起講堂以贊右文之治顧
未幾而在中死矣是可哀也桑海之交天鑑砥節丘
園息機盛世未免悲涼交積在中聽視無形邂逅詩
酒不露酸寒叔父筆公跌蕩好客晚年憔悴閉門滅
竈天鑑每食不能下咽在中經理餽粥共其豐儉所

以悅親者如此亦近世之曷洗矣康熙己未某月某
日卒於保定道之署中年若干娶徐氏御史殿臣之
女繼俞氏儀部郎有章之女子三長元晉次元泰元
觀女二一適丁卯舉人錢渭恭一適史在章昔昌黎
誌馬少監以爲未四十年而哭其祖子孫三世傷之
之至此不過遊處之常若余於董氏則有師友惻惻
之力而零落於轉瞬之間更可傷也元晉以董異子
之狀介萬公擇求銘爲之銘曰
行修於家名聞於闕億萬之生如此歸骨亦無愧矣
何怨矣粹有子也才疎尤存政吾銘可信滄海不竭

原缺

便戟手而罵。由是爲流俗所嫉。其與人交。急難窘助。嘗以貧賤狗人。蓋非齷齪關茸。自附於道學者也。臥病半年。臨終。自書豪傑之才。善人之質。自負甚侈。斯人斯疾。命也如何。何必嘆息。生於某年丙子十二月十九日。卒於某年辛亥六月初十日。後幾年某月某日。葬於某山之原。配周氏子一元。謨女一。其友陳赤衷。夔獻陳介眉錫。嘏爲之。周旋於疾病死喪之際。夔獻諫之。介眉狀之。而以銘屬余。吳仲之祖。先忠端公之友也。余復友其父子間。亦何忍而不銘。銘曰。鍾鼓在懸。鄭聲必孽。禾黍滿郊。莠草將茁。辨之不早。

鹵莽滅裂嗟乎吳仲自許豪傑麀頭鼠耳見之電滅
彼仇仇者聞毀聖哲不護目睛或反喜悅剖胸無心
割臂無血言念吳仲祝余苑結斯文未墜此銘無缺

御史余公墓誌銘

公諱縉字仲紳號浣公余氏爲宋忠襄後裔自龍游縣遷居暨之高湖考諱某號仰泉生二子長爲癸未進士某次卽公也幼卽能文時傳奄人魏忠賢竊政公擬爲彈章霜威風厲見者已識其有埋輪之志矣登順治壬辰進士第知封丘縣縣當兵火之後公私掃地赤立方塞決河賦役連滯公盡捐煩文碎教與之休息是時民間最苦者無如包荒一事先是流賊蔓延人戶逃亾棄地彌望朝議募民開墾各設興屯道興屯廳以董之民初無不樂從及其徵租反過

於現在之熟田違民始願耕者復荒郡縣旣以此爲
考成兢張虛數無所歸著於是以荒地之糧攤於熟
地民皆失業公惕然憂之會制臺繩武李公行部至
封公導李公至曠野自覩其裸跣毛食李公惻然爲
之疏聞始豁虛張之數而興屯之廳道皆裁公能
以一邑甦數千里之瘠不特封也封與延津接壤郵
置錯互於百里之外裹飯受役民甚苦之公陳情撫
軍但使之協濟而已中州治行推公爲第一入爲山
西道御史條對多見施行以終養告歸旋丁內外艱
服闋補河南御史所上章奏多持大體不尚苛細而

其○關○於○國○家○之○大○事○者○請○撤○三○藩○家○口○議○復○撫○臣
兵○權○諸○疏○格○於○部○議○而○止○馳○騫○覆○車○之○轍○探○湯○敗○事
之○後○而○後○知○公○爲○金○石○之○策○也○越○帥○橫○暴○稅○民○受○貨
奴○客○跳○梁○觸○情○放○恣○越○民○蘊○憤○無○所○發○洩○公○嚴○文○件
數○其○罪○惡○越○帥○中○廢○鳧○藻○之○音○載○謠○人○口○朱○方○旦○妄
言○禍○福○朝○士○多○信○其○附○會○有○以○爲○公○言○者○公○曰○此○妖
人○耳○於○法○當○糾○寧○可○助○彼○狂○瀾○乎○方○旦○終○以○猖○狂○坐
死○夫○三○藩○之○反○人○所○不○敢○言○故○晁○錯○殞○身○於○七○國○越
帥○之○汰○人○所○不○肯○言○故○劉○勝○寒○蟬○於○閩○里○方○旦○之○詭
人○所○不○能○言○惟○子○產○先○幾○於○慎○寵○公○乃○不○諱○利○害○不

避嫌疑振響於鐘鼓無聲之日卽其所未言者亦且
破其魑魅使無遁形豈非盛世之霜凖歟已而卜
葬封公復請告歸公少無宦情不得已而出自此悠
悠林下至於沒世然甲寅之亂山寇攻圍越城公出
其私財以佐城守寇睥睨而去是公用世之智退而
不念也生於萬曆丁丑五月初十日卒於康熙己巳
十一月二十六日年七十有三配鄭氏贈安人適李
氏封孀人子六長毓澄壬戌戊辰進士次毓涿州同
知次毓瀚稟膳生次毓淳河開府通判次毓荊州
府同知次毓湘貢監生女五步高飛張鄭張房李

壽處寬何嘉珩皆諸生其婿也孫男二人二人懋
懋嶺懋楷懋標懋權懋棟懋程懋桂懋梅懋枋懋椿
懋模懋樸懋樞懋梅懋榘懋梗懋梓懋梧懋桐懋榕
懋械懋棠懋杞懋楠懋柱懋楫孫女十九人曾孫十
二人曾孫女八人其孤以庚午十二月初四日葬於
邑之東原山介姜定庵屬銘其幽室余昔嘗見公知
其鄉邦之典型也故不辭而銘之銘曰
公之出吏當彼危疆哀此黎民以熟包荒人庶流
家戶且亡公能除之惠此一方豈唯一方數省且康
公入臺中振夫紀綱厝火積薪尾大末強路人皆知

不○敢○聲○揚○公○獨○奮○筆○出○匣○干○將○焦○頭○爛○額○公○言○始○彰○
誰○來○毒○鼓○懽○懽○鄉○邦○萬○人○所○指○無○病○不○僵○簡○落○狐○狸○
賴○公○彈○章○途○歌○巷○舞○沒○世○不○念○妖○人○識○緯○首○鼠○陰○陽○
布○霧○十○里○朝○士○趨○蹕○公○獨○日○否○挾○其○帷○牆○膏○盲○泉○石○
未○盡○其○長○俛○俛○後○人○嗣○其○耿○光○

高議大夫奉勅提督山東學政布政司右叅議
兼按察司僉事清谿錢先生墓誌銘

昔明道汎濫諸家出入於老釋者幾十年而後返求
諸六經考亭於釋老之學亦必究其歸趣訂其是非
自來求道之士未有不然者蓋道非一家之私聖賢
之血路散殊於百家求之愈艱則得之愈真雖其得
之有至有不至要不可謂無與於道者也崇禎間士
大夫之言學者尚廣大多以宗門爲入處蔡雲怡黃
海岸林可任錢清谿其尤也雲怡海岸終爲綱常人
物可任白樵秉拂一往不返清谿未見其止四先生

者所至各異其求道之心則一也清溪先生諱啓忠
字沃心錢氏爲鄞中望族方伯奐而下五世爲若廣
若選若賡守臨江生三子靖忠舉人益忠訓導敬忠
知寧國府益忠之子肅樂卽忠介若選生二子長爲
先生次孚忠先生登崇禎戊辰進士第時承逆奄之
後天下書院皆經拆毀先生上言臣觀崔魏亂政奄
祠遍於天下乾兒義子人頭禽鳴斯孔孟學術一大
厄也三尺童子猶知笑之而中朝誦功勸進轉相效
尤者止以諸臣平日理學不明不識節義爲何物但
知有身家不知有君父但知迎合流俗不知反照良

心良心泯而道術墮。治術隳矣。是故生祠
書院相爲貞勝者也。應將已毀書院盡行修復。此聖
政之急務也。廷臣皆矐之。除南康府推官與利
除害如不及。身無留牘園土之中。饑者與食寒者與
衣疾者與醫藥民是以不冤。郡固有白鹿書院爲司
李職掌司李多未嘗學問。徒稽其田稅出入而已。先
生集士于講學。隨機指點。當其得意忘言。兩兩
便覺沂水春風不遠。歸宗寺爲紫柏重興先生刻其
集於寺中。憇山葬五乳峰下。其地不吉。先生爲之重
卜。有明自楚石以後。佛法中衰。得紫柏憇山而再振。

先生之爲佛氏金湯如此。改理撫州。尋遷刑部主事。江夏郭昭封以草廠事論死。先生念其爲文毅子。未減得戍粵中。陳秋濤臨川湯伯開先後建言下獄抗疏救之。皆得出。丁憂服闋。轉禮部員外郎。山左兵荒。餓殍載道。疏請漕糧十萬石賑之。活者無算。已而提督山東學政。至李家莊。流寇猝至。先生諭之。皆放兵。羅拜。則先生昔日所活之饑民也。以註誤歸。未幾得。白崇禎癸未八月十一日卒。距生萬曆甲午十二月二十三日年五十。娶戎氏李氏高氏。贈封皆安人。子三人。肅。鏘。肅。鑣。俱早卒。在者惟廉女一。適諸生許曰。

瑚孫一。中盛孫女一。適諸生萬經。先生師事鄒忠介。故其學問源流多在江右。如顏山農何心隱皆歛疇。豪傑乃奔洲。改爰書以爲傳。世遂抹撤。先生理其緒。言刻而傳之。吾觀先生當日。朱震青易理隱僻。金伯玉苦身持力。金正希體認靜虛動直。相與水火醞醞。鹽梅未嘗封域自守也。天假之年。豈復如可任之。不反乎。凡先生師友。後來簸蕩橫流。多歸節義。然先生當服闋入都。流氛漸迫。寓書高安人日寇至。我必死。汝等不必來。是先生不幸而不值橫流。不得以節義顯也。歲壬午。余在京師與震青論學。當其險絕處。震

青每日吾友清溪曾爲是言矣。海岸司李寧波。余嘗
與之同舟入省。可任有知己之言。伯玉門巷蕭然。會
數過之。先生亦欲過余而不果。先生卒後三十三年。
高安人方卒廉。以某年某月日卜葬。屋下溪山麓。手
爲行狀。再拜求銘於時中原之師友盡矣。廉生也。晚
不及見此盛時。聊以所憶者語之。當世守其家學也。

銘曰

科名祿位。蜉蝣螢光。臯某未復。姓氏已忘。先生之歿。
一○世○之○長○學○舍○馬○廐○師○友○劍○鋌○嘉○言○善○行○散○落○四○方○
亦○有○後○死○掇○拾○其○旁○以○慰○哲○嗣○上○下○徬○惶○此○心○此○理○

未嘗滅也。

千秋王府君墓誌銘

府君王氏諱鴻業字君調別號千秋世家鄞之西郭
高祖瑄成化癸丑進士以御史出守長沙曾祖金嘉
靖戊子舉人劍川州守祖大漢高淳縣丞父國模諸
生府君五歲而孤擗踊根乎至性稍長則依母爲命
出無子弟之過尋列爲諸生崇禎己卯冬隣火將及
父樞在堂府君從烈焰中匍匐救之鬚髮皆焦天爲
之反風而熄里人奇其孝感府君方自刻責是予之
罪也夫予不能早卜宅兆至使神靈有此震驚也遂
亟亟焉營葬以完大事辛卯喪母府君年四十有九

矣而哭泣之哀猶孺子初免父母之懷也歲時用享樂與哀半不以魚菽而弛其濟濟漆漆之敬與三兄割產府君遜其高堂而自予以寢丘之田西益之宅長兄之歿兄子將鬻田供喪具買者嫌其荒瘠府君以已田易之盜誣其從兄鼎革危疑之際如火之燎原不可向遁府君觸網訟寃平目睨虎卒爲解之府君之於家行能盡分如此其所居東園屋才三間雞犬圖書不異一船而府君靜以環堵爲大兒啼午飯婦絡冰絲聞然如在空谷顧府君才是用世稽較笑籌舉贏補絀計入量出莫不中程故五服中租調手

實之事皆取決焉。逮府君晚年，身爲大老子，爲名士，登其堂者，含吐綳縹之上，翩躚錚俎之間，儼然復睹咸淳間人物，非今世所有矣。古今來治日少而亂日多，我生不辰，天堦幽閉，擊殺移人，猶晝之不能無夜，春夏之不能無秋，冬人未有能處晝而不能處夜，能處春夏而不能處秋，冬者晦明寒暑無落，吾裘葛卧起之事，故鍾石之遷改在天地間，不過黍稷之播於原隰，刈穫之或銍或縛也，亦各盡其分而已矣。奈何邂逅風塵，破爲曠劫，舍裘葛卧起之恒趨猿鶴沙虱之幻，自吾見喪亂之際，衣冠鼎族，詩書阡陌，不循其

舊○至○使○河○海○之○迹○堙○爲○窮○流○似○府○君○從○容○平○人○野○之○
間○檢○襟○括○步○青○氍○如○故○豈○非○衣○冠○之○準○的○歟○生○萬○曆○
癸卯十月五日卒康熙丁卯八月八日年八十五配
陳氏先府君十二年卒以卒之年十二月二十八日
葬西山之魯舉子三長之坊癸卯舉人知縣次之坪
庠生次之圻女二長適潘朝珽次適庠生趙澎孫十
一錫麒錫麟錫位錫鳳錫熊錫鰲錫仁錫義錫忠錫
信錫鸚孫女二長適林與泌次適戴宗鼎曾孫八永
元永年永成永和永魁永清永彬永譽曾孫女三余
文之坪二十三年矣每過雨上必登府君之堂老成

在望其葬也之坪以張且復之行狀鄭禹梅之傳乞
銘銘曰

治○亂○之○運○有○經○有○緯○人○生○其○間○鼎○波○百○沸○以○經○處○緯○
險○夷○一○致○以○緯○易○經○百○色○妖○露○雨○有○耆○舊○居○仁○由○義○
河○山○雖○改○詩○書○不○廢○雕○虎○焦○原○不○異○平○地○深○松○茂○栢○
永○無○憔悴○

鄭峯陽先生墓表

公諱鄭字謙止號峯陽姓鄭氏常州武進人也其先出於義門父振先萬曆乙未進士禮部主事妣吳氏封安人公十歲能文十六歲從儀部謫四川永寧徧覽嵩華峨嵋諸勝十九歲歸中鄉舉登天啓壬戌進士第改庶吉士文文肅以朝講建言刺及宮奴客魏疏上留中公諫留中非制引武廟之奄禍神廟之奸相爲言內批與文肅皆降二級調外任逆焰高張興大獄以殺其不附己者訛言三吳將謀翻局偵事者相望公之黃芝歌流傳都下黃芝歌者詔獄產黃芝

六葉楊左之獄死者恰符其數公因之作歌以當野
哭公既危甚乃變姓名爲王小仙浙東注右粵東深
山窮谷雲水殆徧丁卯削籍爲民追奪誥命逆奄伏
誅奉旨原官起用居憂六載崇禎乙亥入京待補時
溫體仁當國媚嫉異己既排文肅去之以公爲文肅
所援必爲已患遂以惑父披刺迫父杖母特疏叅公
下於刑部獄囑司寇殺之司寇不可改入錦衣獄金
吾亦不敢承體仁乃使其門人主之黃石齋先生召
對以爲衆惡必察匡章棄於通國孟子從而禮貌之
先師劉念臺先生亦疏言杖母之獄不可以無告坐

體仁之黨募公同鄉之市僧以證之己卯八月擬辟
上命加等公遂死於西市從來縉紳受禍之慘未有
如公者也公爲奸相所陷路人知之而杖母流言君
子能亮之以理未必驗之於事也水落石出余詳之
公卿之賢者儀部眷一妾其夫人不能容儀部遂俛
妾以出流轉僧寺頗爲人所指目公無可奈何而夫
人篤信佛乘與一尼甚嫗公求尼爲之勸解尼神道
設教假箕仙言上帝震怒將降禍於夫人夫人受戒
悔過儀部始得安其室一時好事相傳以竹篋叅話
之法訛爲樸作教刑之事當公之受誣欲陳其本末

則○恐○有○礙○於○父○母○故○寧○隱○忍○就○死○齊○此○寃○於○地○下○豈
非○仁○者○之○心○與○武○安○君○之○謂○燕○王○曰○隣○家○有○妻○毒○其
夫○者○使○妾○奉○卮○酒○進○之○妾○知○其○爲○藥○酒○也○陽○僞○藥○酒
主○父○大○怒○而○笞○之○妾○終○不○敢○自○明○公○之○不○敢○自○明○者
亦○猶○妾○也○雖○然○儀○部○之○眷○妾○夫○人○之○妬○親○之○過○小○者
也○使○公○蒙○詬○醜○大○誹○於○天○下○其○輕○重○可○無○辨○乎○是○故
公○之○獄○不○明○則○奸○相○之○惡○不○著○此○後○死○者○之○責○也○余
嘗○入○仗○錫○山○見○公○題○壁○猿○鳥○絕○迹○處○非○振○奇○之○人○何
緣○至○此○及○至○匡○廬○青○牛○谷○見○月○季○花○大○過○拱○把○公○題
詩○其○上○益○奇○之○公○固○非○井○竈○中○人○物○獨○怪○其○獄○中○猶

選制義、豈其熟處、難忘乎、抑以之爲游戲、耶、公之諸
子、寡過、余求表其墓、余爲之論定、如此。

參議密庵陸公墓碑

公諱求可字咸一別號密庵姓陸氏宋丞相忠貞之裔世居鹽瀆明初有以賢能推擇築大河衛城遷於淮遂爲山陽人祖敘衰父三錫公爲諸生已有當世才具爲上官畫養馬之策民以不病登順治乙未進士第授裕州知州入爲刑部員外陞福建提學僉事轉布政司參議未上而卒公爲人豈弟雅以濟物爲務當其在裕徇地之師相望絳標寸紙一日數至徵村切里俄頃十催公應以整暇民不告勞赭陽一驛舊設馬六十後減至三十一站銀五千九百餘減至

二千三百餘事增於前十倍而費減十之八難爲意
 計公貸軍府子錢市馬六十劣充急發舊三萬戶戶
 三男子則十萬丁也故派鹽二千九百引其後丁止
 一千九百鹽引尚存一千六百是一丁食一引矣公
 請於鹺使者減至一千引民力稍甦舊額墾田一萬
 九千三百餘頃近墾八百餘頃而已又以塞河之役
 逃荒三百餘頃其征賦皆取盈於五百餘頃之內逃
 亾日甚公設法誘墾汗菜之田二而當一确瘠之田
 三而當一自此民勤於農鋒鏑之餘絃誦久息公新
 其學校躬帥藝文化羶羊馴馬以爲秀士邑無文獻

以禮樂爲殘賊。比文章於鄭衛。公考其山川人物。撮
殘、糾、謬、秉、筆、文、闡、裕、始、有、志、凡、公、之、所、以、籌、裕、者、如、
庭、內、灑、掃、無、不、周、欵、其、在、司、寇、寃、訟、洗、遂、瘦、弊、昭、蘇、
每、退、食、遲、遲、母、夫、人、詰、之、公、曰、今、慮、囚、者、多、以、刻、深、
免、咎、故、煩、文、滯、劾、證、逮、遐、廣、苟、循、成、案、幾、人、當、斬、幾、
人、當、絞、吾、所、以、不、敢、也、當、其、衡、士、剪、拉、榛、楛、斟酌、爾、
雅、瓢、笠、之、門、俱、起、講、堂、而、南、宮、之、夜、光、多、經、公、所、採、
拾、其、入、輿、人、之、誦、者、鄉、賢、之、祀、鮑、不、給、祝、則、優、劣、枯、
骨、香、燈、爲、之、肅、然、有、司、賤、士、織、介、之、惡、便、遭、裁、辱、則、
請、之、督、撫、未、離、仕、籍、不、得、妄、施、荆、革、其、所、至、及、物、如、

此臨官之外破產而字死爻之孤開門而延故人之
殞如田孝廉姜符玉翁陵周文學枚數之而不勝蓋
天性然也從來訾吏治者不過曰傳舍其官夫傳舍
者朝至暮去總使餉馬於軒宿隼於堂其破碎猶可
支久顧今之所謂傳舍者非昔之所謂傳舍也視傳
舍爲己物末桷構榱椳闔居楔必欲發之而去以大
宮之椽歸爲廬門之椽寧復有傳舍乎南陽久已無
裕因公重立亦如叔孫媯所館雖一日必葺其牆屋
去之如始至者也傳舍亦何幸哉生於萬曆丁巳五
月初四日卒於康熙己未七月初三日娶某氏誥封

宜人。了。三。志。謹。國子監學正志寬。太學生志默。歲貢
生女。二。周恪。李師邕。其婿也。孫男七。觀。兆。騏。兆。霖。兆。
樨。嵩。年。鶴。年。逢。年。孫女七。志。謹。千。里。求。銘。銘。曰。
史。傳。循。吏。貴。乎。寧。一。瘡。痍。未。起。賊。梳。兵。櫛。逃。屋。荒。田。
租。吏。絡。繹。吁。嗟。密。庵。仁。心。爲。質。巖。疆。風。雨。立。彼。家。室。
人。總。刑。名。破。冢。而。出。出。考。藝。文。廟。堂。琴。瑟。華。表。石。言。
表。裏。史。帙。

桐城方烈婦墓誌銘

桑海之交紀事之書雜出或傳聞之誤或愛憎之口
多非事實以余所見唯傳信錄所知錄劫灰錄庶幾
與鄧光薦之填海錄可考信不誣所知錄者桐城錢
飲光先生之所著也先生在前朝黨錮之禍似范孟
博從亾之節似介子推虎口殘喘奔走南北今歲戊
辰自京師寓書於余謂海內同人凋謝殆盡歸然屹
存者先生一人而已第今年七十七矣知先生來歲
已是八旬相去二千里不知尚能遂此願見之志否
因以其安人烈婦之誌爲請余讀之淒然按安人方

氏桐城黃華里之望族。父啓煌，母王孺人。孺人割股以療夫病，年三十而人稱其節無間言。安人十五爲先生婦，幼固讀書識字，及歸而見先生以詩文著名，遂相從爲學，日事於硯北，不親俗務。已而先姑棄世，柴水交困，安人於是洗硯削筆，習爲操作。先生無內顧之憂，一意遠遊，當是時流寇盤踞江北，瀕江人戶皆避寇，渡江棲泊洲渚間，寇遠復返，安人持橐束緼，伺塵起卽遁，不至跟踰。念夫里人多服其智，然在兵聲撼動之際，奉養其舅，未嘗失節。舅以天年終，安人從先生遷居白下，風雪擁戶，夫婦相對而如死灰。先

生賣文搏食安人纂社佐之少延朝夕壬午先生試
畢安人迎問君自度今年能必售否先生笑曰臣力
竭矣問益中米餘幾何曰可支十日先生屈指發榜
之期口但得至此日吾無憂矣已榜發不中舉家啼
哭卧不能起蓋先生夫婦之困窮如此武塘錢吏部
稌先生之同宗也招先生共學安人獨處白下北都
變聞先生急歸而安人已返桐城人問之曰天下大
亂此地寧可居乎阮大鍼以南都防亂揭爲諸名士
所擯啣之次骨南渡修報復次第矯旨逮揭中之人
先生凶命武塘安人在里中東西遷徙久之亦下武

塘曰不若同死之爲愈也。大兵渡江，所在兵起，吏部亦聚衆蘆衢。三吳志士多載竿帟依之。凶何兵潰，聯舟泊震澤。土寇竊發，先生方他適，賊焚震澤之舟，劫掠子女。吏部溺死，賊上船，安人抱幼女亦投水而死。時乙酉八月十七日也。二子爲賊所掠，長者逸去，次子亦死。明日先生得安人屍於岸上，視其衣皆鈎聯不可解。其子曰：此吾母舟中所爲也。曰：一旦遇兵，卽赴水死，母令人剝衣露體耳。殯諸普濟寺。甲午冬返葬先隴之右。安人生於萬曆壬子十月二十八日，享年三十四。子女三，存者唯法祖。戊申又死於盜。哀哉。

閩粵餘疆表其節贈孺人再贈安人安人少有至性
十歲時母病篤亦割臂肉投藥中以進痛母苦節望
其夫之成名爲之旌表知不可得則時時雪涕自兵
興以來惟誓一死有里中婦歸自賊者輒正色叱其
不死里婦曰求死不得耳安人笑曰若不早辦死耳
亂離之世何日非死日何地非死所豈有終日辦死
而不得死者乎遇難后於弊衣中得絕句一首云女
子生身薄命多隨夫飄蕩若如何移舟到處驚兵火
死作吳江一段波固知震澤之一死辦之早矣嘗觀
今之士大夫口口名節及至變亂之際盡喪其平生

豈其無悲歌慷慨之性歟亦以平生未嘗置死於念
一旦驟臨安能以其所無者應之於外陳同甫傳陳
氏二女長女伸頸受刃次女受汚后有諗之者曰若
獨不能爲姊所爲乎次女慘然連言曰難難今之士
大夫亦畏其難耳陳了翁曰吾於死生之際了然無
怖處之有素故也若處之無素驟入苦趣無安樂法
文山亦云遇異人指示以大光明正法於是死生脫
然若遺彼大賢之操修若此何怪乎士大夫爲次女
之歸耶銘曰

曹娥以孝潛波娥江貞女以義自沉溧陽於爍安人

繼此耿光。風號月苦。震澤流長。

南雷文定

卷之二

五

十一集

節婦金孺人墓誌銘

歲乙丑余至棲水一時友朋來集論文談道皆非宿聞腐見不可以經生崖涘之已見金介山之詩質而不俚清而不枯今之詩家未之或先也戊辰余里人沈伯鞏自棲水歸介山寓書以其母金孺人之墓銘爲請孺人張氏父遂辰字卿子杭之名醫也孺人歸於金君君榮時君榮之父已卒失火無家居君榮與婦寄止婦翁舍下婦翁旣以醫名學者雲集拱璧駟馬華堂翁赫諸姑伯姊之歸寧者皆盛其羅綺珠翠孺人寂然廡下與夫子相勞苦而已未幾君榮之弟

又天其姑獨處孺人迎養於張氏君榮出遊江右喪其資斧歸而病卒孺人年始三十先有二兒已殤其一。是時介山方五齡耳孺人與其姑同牀卧起撫此孤孩相依爲命稍長課之句讀手紡口授一燈熒然已而卿子亦卒家業塗炭孺人以女紅象錢易米而炊所冀介山成名重立兩家門戶而獨子姑息惟恐其蒙霧露每見介山丹鉛在手卽爲曳去曰但得一碗飯養吾兩人足矣無爲過自苦也三世一身悲光血縷漬於孺人之旦暮卧病十餘年而孺人卒矣當君榮出遊之時正值鼎革干戈無序孺人隨父避於

武康山中搜牛貫掌人民晝不敢舉烟火夜非深林
蒼叢不能蔽蔽每聞兒啼卽射聲而至孺人一見詩
負一兒携手呱呱而泣勢難兩全咸勸棄其小者孺
人以絮掩兒口虔護百方卒免於難鄧伯道以男子
不能庇其二兒放之孺人蓋蔑如矣卿子年八十尚
爲人應病孺人憫然謂其子與姪曰汝等荒於嬉而
坐受老人拮据之養能無慙乎故其侍父也必伺其
熟寢而後卽安父有寒疾雖嚴霜烈霰夜恆四五起
至性有過人者嗟乎人世危苦之境莫如嫠婦嫠婦
而無家可托漂搖於女氏之黨則又危苦之甚者於

此而綢繆風雨重興家室其精誠之至天地爲之感
動亦理勢之自然也先師叢山先生父卒五月而生
喪失家道母氏章太夫人依外家以活頗與孺人境
遇相似先師之爲大儒皆太夫人危苦所成介山勉
旃亦焉知稱孺人者之不如太夫人乎太夫人之誌
許敬庵先生爲之則余之誌孺人也亦焉敢不以實
乎生於萬曆戊午四月十八日卒於康熙戊午八月
二十三日與君榮合葬臯亭山予一人曰張卽介山
也銘曰

卿子之女介山之母葬於臯亭旣封旣樹自楊蕭蕭

鳴其辛苦。黃絹之辭。刊之石柱。後人過之。知其爲節婦之墓。

卓母錢孺人墓誌銘

李大泌誌奔洲夫人之墓謂其生長富貴人望之如在天上畢生不知憂苦爲何等而夫人盡瘁操心有單門之所未嘗者以信憂樂之命非富貴貧賤之所與也余讀武康韋六象之狀卓母錢孺人何其相類乎按狀孺人姓錢氏名蕢字淑儀杭之錢塘人父朝彥崇禎丁丑進士句容知縣妣許氏孺人生而性慧內則孝經詩詞畧皆上口年十五歸仁和卓君麟異子孟子孟翰林侍讀諱夔之子也卓氏爲塘棲望族富甲一方阡陌間架牽連郡邑僮客數百人轉轂鳴

僥晝夜不絕舅姑皆在京師子孟讀書不問生產孺人以弱女子未明而起諸事填委候其指揮左握算子右徵市曆官租歲計轉運貯積會要不爽毫髮細至庭內灑掃竈養柴水亦經心目子孟隨舉順天當卓氏之盛孺人不以林下之風願息閨閣也○何侍讀卒官家勢中衰盜入其室發大珠黃金以去利其財者廣設機械吶喝數萬金子孟亦暴卒病姑在堂稚幼滿室孺人搯定風波上侍湯藥下授詩書喪葬婚姻禮文畢備觀者不知其爲患難之餘當卓氏之衰孺人不以風雨之晦改其昏曉也○逮姑潘恭人卒

葬既畢兩子爲諸生侍讀詩書之澤有託門戶重立而孺人亦病矣從容謂其子女曰吾昔奉汝祖母乘燭晚食祖母南向吾與諸姑左右汝父從容從容座來舉觴加餐笑語歡洽將謂此樂可常何意轉瞬間零落俱盡正如長亭旅憇先後散去唯我獨留亦復何堪因歛歔不自已未幾而卒時康熙己未十二月十九日年五十子四人長齡太學生松齡庠生永齡錫齡女四人婿陳奕昌項灝俱太學生餘未字孫男三人長齡等將以年月日葬子孟之墓將葬奕昌傳其內子之命乞余銘之昔陳同父夫人欲朱文公篆

其親墓因火以乞孝思冥契千載如新但不知余之
文能如文公之篆亦可傳後乎銘曰

物盛而衰衰久而復天道之常人事之卜吁嗟孺人
霜雪性情高名之家而荼苦一生

東星鑑禪師塔銘

上虞東山謝車騎之所經始靈運因而踵事增華其
安石所謂之東山也觀靈運山居賦神麗甲於宇內
矣歲庚辰余至其地值爾密禪師解制之期茶話久
之而別戊辰余復至則悟公爲住持方病傷寒使人
扶而出拜求其師啓明塔銘甚懇啓明蓋爾密師之
法嗣也余於湖海間方外之士其學有所不能盡知
惟取其同門淨地之狀彙括而敘之師諱淨鑑字啓
明別號東星壽春王氏子也生而近道聞人誦華嚴
經聽之移時曰經乃佛語也佛語可解佛獨不可爲

耶年十七卽喜與僧遊欲學其法僧言知識多在南
方須往依之此事非杜撰可成師遂發心南詢有自
博山來者師問博山教人作何工夫云教看一口氣
不來向何處安身立命師聞之茫然自失此語日橫
胸中無有入處已遇僧古春禮之爲師欲隨出家父
不許乃與春密約春候之前途師午夜踰城兼程五
百里始與春會於南陽之香巖山從之祝髮首叅弁
山瑞白相依四載得箇自在境界弁山便欲付之鉢
袋師以爲非住足之地復從汰如法師證性相二宗
爾密講華嚴於顯聖師渡江謁之密曰你會叅弁山

乃是禪客我這裏却講經師曰伊嘗說瞞人好事三
却是你瞞我命允維那上堂師說中間密遠云你昨
日敗關今又來何爲師罔然鈍置者久之密曰汝雖
到不疑之地其奈古人全機大用何師曰話作兩極
密舉古人云若論戰也個個立在轉處爲甚放剝猪
狗手脚不出師屢下語不契未幾忽有會處曰剝猪
狗手脚這回放得出也密云作麼生師曰今日放過
和尚自是徧歷江浙諸大老之門天童密雲雙涇雪
嶠皆有契語始返顯聖解制呈偈云雲門門裏掛瓢
囊舉措如經盡毒鄉明月到窓還自照空庭細草任

他長。左。寒。冷。豆。平。空。爆。雪。壓。梅。花。驀。地。香。將。謂。回。頭。
別。有。路。草。鞋。依。舊。踏。清。霜。師。未。嘗。讀。書。不。諧。音。律。而。
矢。口。偈。頌。恰。似。老。於。文。學。者。爾。密。遂。以。衣。偈。授。之。師。
卽。把。茅。雙。髻。遵。養。時。晦。卽。爾。密。招。之。亦。不。輕。出。踰。年。
始。爲。其。師。分。座。秉。拂。爾。密。示。寂。出。世。於。山。陰。之。普。巖。
繼。遷。武。林。悲。華。歷。集。善。能。仁。國。慶。凡。五。坐。道。場。皆。強。
而。後。赴。非。蓋。大。屋。養。閒。漢。開。眼。尿。牀。者。比。也。康。熙。戊。
午。十。二。月。初。九。日。示。疾。沐。浴。夏。衣。書。偈。云。生。死。無。終。
始。猶。如。環。上。循。到。頭。霜。夜。月。在。運。照。乾。坤。遂。寂。世。壽。
七。十。一。僧。夏。四。十。五。門。人。奉。全。身。塔。於。東。山。鵲。峯。之。

嗣法二十五人宋退谷雲禪師云烏道孤危玄關
妙密在曹洞宗旨亦奇矣若較臨濟直是天地懸隔
以言乎全機大用惟臨濟有之師固曹洞子孫而放
出剝豬狗手段是未嘗無大作用也豈古之曹洞異
於今乎抑今之濟洞止以源流分別其宗風實無所
異乎吾恐爲其學者實昧昧於兩家之門戶而相習
爲口耳之談平安得起師而問之銘曰

曹洞中興粵自散木海門石簣整其脫輻所以東浙
法乳電燭於赫鑑公起自北陸聿來南方徧叅名宿
果熟東山人天眼目遂嗣師席機鋒箭鏃琵琶無絃

白鵲不啄。說法熾然。非絲非竹。

豐南禺別傳 詩文

余讀嘉靖實錄十七年六月致仕揚州府通州同知
豐坊奏請上與獻皇帝廟號稱宗以配上帝心鄙其
爲人蓋坊之父熙嘗以議大禮廷杖其恐於背父他
又何論坊有書名甫上故家多藏其底草相誇示每
黜而不視也已見坊所著五經世學其窮經誠有過
人者徐時進書其逸事惜文不雅馴暇時另爲一通
以發噍噓坊更名道生字人翁別號南禺外史五歲
時董侍御問以所讀書曰大學序誦至淳熙五年故
漏熙字侍御問之曰此大人名也由是長老多奇之

當其讀書注目而視瞳子嘗度眶外半寸人有出其
左右不知也自考功遷謫失職而歸書淫墨癖無所
不知亦遂目空今古滑稽玩世瀟洋自恣而已有方
仕者從坊遊學其書法假方名以行世坊知之恨甚
曰須臾其眼始不能作僞耳以是語舍中兒皆曰諾
久之舍中兒捧一物至曰此方仕之眼睛也吾等夜
俟之荒郊決之以來耳坊大喜厚勞之再日而方仕
至舍中兒告之故令勿入入則吾等欺敗矣仕曰無
傷也坊見仕大駭曰聞君遇盜傷眼今如故何也仕
曰曩者夜行盜決吾眼以去方悶絕間叢祠中有鬼

哀○音○取○新○死○人○眼○納○吾○睚○中○今○雖○如○故○猶○痛○等○耳○坊○亦○信○之○置○酒○賀○其○再○生○坊○欲○下○鄉○收○責○僕○不○利○其○往○農○家○簸○穀○有○大○扇○僕○執○之○以○告○曰○鄉○人○聞○主○至○各○家○製○此○以○待○使○其○男○婦○搖○之○主○必○中○寒○而○死○坊○曰○謠○哉○鄉○人○使○吾○死○而○驗○傷○之○無○從○也○需○之○以○六○月○往○其○奈○我○何○每○年○必○名○黃○冠○設○醮○以○驅○蚤○蚤○客○至○則○問○之○自○吾○醮○後○覺○蚤○蚤○減○於○昔○否○客○曰○尤○甚○吾○方○怪○之○豈○知○公○家○蚤○蝨○驅○而○之○吾○舍○乎○坊○乃○大○喜○當○其○醮○時○黃○冠○賂○侍○者○陰○捕○蚤○蝨○不○使○近○坊○坊○確○然○以○爲○醮○之○左○驗○龐○侍○御○求○書○餽○金○三○十○坊○曰○吾○王○需○此○卽○設○醮○三○壇○

一滅倭寇二滅僞禪僞學三滅蛇虎蚤蠱聞者無不
大笑而坊匍匐祈請出於至誠姜宗伯求墓誌坊撰
文并書將授使者食所餽粉羹而咽坊大呼姜某毒
我趣令燬文返幣其門僧德祐潛易原文而以別紙
焚之幣亦未嘗返也坊以杜元凱故事楷書法華華
嚴二經錮之鐵函沈於大海同行者亦潛易之竟不
知所沈者爲何物也嘗於譚觀察坐閒徵異事坊曰
弘治五年鳳凰止正陽門樓上移時而去脫一羽長
二文許觀察不信坊指其童子曰彼亦見之童子曰
然又嘗納涼僧舍謂僧曰我在通州穴巨爪置小枕

其下側身入坐仰面承漿飲之膚生粟乃出僧不信亦以徵之童子童子年十三四坊之倅通相去且三十年矣東門皮工王姓者事坊甚謹歲時餽遺不絕坊感其意問其所欲於嘗所往來者或曰似欲向公乞一號耳坊手書闌坡二字以號之而坡字之土肥頭皮工得此珍甚有見之者曰析之爲東門王皮公蓋慧汝也皮公聞之更喜曰吾與東門猶蟻蝨耳公乃以東門俾我皮固吾業道其實耳踵門以謝言狀坊曰此人安得有此言可以師我矣延之上坐皮工惶恐而出聞過聞祠部天雨止之宿坊曰須吾榻乃

可○祠○部○卽○令○人○移○榻○而○榻○製○甚○煩○用○四○小○舟○載○之○安○榻○方○竟○而○忽○稱○腹○痛○必○不○可○留○仍○移○榻○而○返○意○怪○祠○部○之○求○書○也○性○鄙○人○口○道○錢○物○侍○者○故○斬○之○謂○梅○雨○須○暴○藏○金○坊○曰○諾○畢○暴○而○數○之○亡○一○笏○以○責○侍○者○侍○者○再○竊○一○笏○坊○復○數○之○曰○是○矣○蓋○但○論○其○奇○偶○也○時○進○之○所○傳○如○此○余○則○以○坊○之○怪○誕○此○猶○其○小○小○者○爾○其○大○者○在○僞○造○六○經○或○託○之○石○經○或○託○之○別○傳○而○訾○毀○先○儒○放○言○無○忌○謂○朱○子○食○貧○無○計○賣○書○餬○口○掠○取○新○說○其○價○易○增○所○言○子○見○南○子○爲○衛○靈○之○繼○室○是○擗○於○宋○朝○之○倫○獵○較○爲○奪○禽○獸○是○擬○於○禦○門○之○盜○其○卦

變圖真牧童之陋戲又曰晦翁果生於混沌初闢之
時真爲伏羲受業之師手授卦變圖親見伏羲據之
以畫卦而演爲先天四圖歷壽數萬餘歲至宋慶元
庚申爲始卒也楊榮纂修大全以其妻是朱氏故盡
用朱子之說其於書經則謂其祖慶正統六年官京
師朝鮮使臣媯文卿日本使臣徐春入貢以尚書質
之文卿曰吾先王箕子所傳起神農政典至洪範而
止睿曰吾先王徐市所傳起虞書帝典至秦誓而止
笑中國官本錯悞甚多其中國所無者令嚴不敢傳
而正其錯悞者一二故坊之世學一依外國本文卿

言其國商書有四十一篇。魯言其國周書有八十二篇。而周書第七十八爲孔子之命。敬王命仲尼爲大司寇。相魯而作其八十二方。爲秦誓書。依年而次。秦誓之作。在魯僖公三十三年。孔子生於襄公二十二年。相去七十六年。焉得以孔子之命先之乎。其僞不待辨。慶果信之。亦取笑於外國矣。坊一官不得志。無所不奇。其牢騷人。給已還以給人。至於經傳。亦復爲拊掌之資。其罪大矣。

兵部尚書李公傳

公諱蔭祖字繩武。本朝鮮李氏七世祖英徙於遼東。鐵嶺衛以軍功授本衛都指揮使。曾祖成功贈榮祿大夫。祖如挺太原郡守。父思忠仕至禮部左侍郎。提督陝西全省官兵鎮守西安將軍。贈光祿大夫。有明慶曆間公之曾伯祖成梁以軍功封寧遠伯。故遼東李氏爲天下冠。公以太學入官。順治五年授戶科江南司員外郎。七年遷浙江司郎中。九年陞左僉都御史。十年遷兵部右侍郎兼管正黃旗副都統事。十一年陞兵部尚書兼右副都御史總督直隸山東河南

三省十四年加太子太保仍以原官總督湖廣十六年以病乞歸康熙三年卒年三十有六公歷官六任而刻石之功著於天下者則在鎮大名與荊州之日其在大名淫雨爲患沁衛洛漳滹沱諸水一時泛濫黃河大決直隸東明等三十一州縣山東館陶等十州縣河南臨漳等九州縣莫不離被災毒流民載道公疏請蠲賑安插十萬生靈拔之鬼錄山賊高鼎囊括五臺恒代之間抄截蜂起官軍進討不利公以爲賊衆上下危岡如在枕席豕食村落不患不飽我兵寒糧從之途畏峯澁所謂彼逸我勞豈能得志莫若

壁彼近郊。斷其出入。則搜半路。絕兼旬。困餓。燼。燄。自
離。始以銳師抵其巢穴。可不勞而定也。上從之。木

幾遣諭賊。巢開以丹青之信。鼎遂率其衆降。山西盜

屏。威名遠著。直隸山東諸賊。或擒或降。次第就平。當

是時。海內初定。齊魯豫晉間。尚有崩剝之勢。而畿南

千里。左滄海。右太行。爲神京門戶。公卒使之反側寢

謀。廬落整頓。此奠安三輔之功也。其在荊州。王師

進取滇黔。道所經由。牧馬數十萬。賦民芻豆。公言若

是。是鳥鈔求飽也。力持不發。洪閭部疏民運。公馳至

軍中。謂洪公曰。行營糧料。日需數千石。方今水運一

運不敷三日二旬不能一運自沉以上改水從陸數
鍾而致一斗民力何堪吾恐滇黔未下三楚先搖古
人因糧於敵閣下何不出此也洪公是之李自成敗
後逋寇郝永忠等尚餘十萬房竹秭歸蔓延以及夔
巫旌旗亂野公檄由夔陵襄陽鄖陽三路合擊牽其
首尾於是賊勢漸衰卒至破滅麻城李善友猖狂邪
教焚惑遠近士人多有從之者豫撫議勦公曰此一
老捕盜力耳何以兵爲未幾善友就擒楚地大水男
婦裸袒河畔就取浮沒菱根以資口食公倣鄭俠故
事繪圖以進上覽之惻然援勦將士俘獲女口以

千計公宴諸將於署潛遣人搜之船中出以還其家
楚○當○兵○革○之○際○飢○饉○之○餘○而○三○戶○如○故○不○至○冰○駭○風○
散○者○此○紀○綱○江○漢○之○功○也○公○讀○書○不○喜○章○句○細○微○明
遠○有○幹○局○故○爲○薛○祭○酒○所○蘊○孟○制○府○喬○芳○所○知○其○奏
對○詳○切○世○祖○嘗○謂○侍○臣○曰○朕○聞○李○思○忠○子○有○才○畧
今○見○之○果○然○天○性○孝○友○宗○伯○命○之○襲○爵○固○讓○其○弟○宗
伯○之○疾○衣○不○解○帶○者○累○月○及○以○戎○事○墨○衰○則○悲○號○如
不○欲○生○其○侍○修○太○夫○人○就○養○無○方○躬○親○甘○旨○無○絲○髮
遺○憾○俸○入○緣○手○散○之○三○黨○待○以○舉○火○者○十○餘○家○所○著
奏○議○若○千○卷○嘗○觀○興○王○之○世○必○有○不○二○之○臣○以○輯○安

黎○庶○故○雖○鋒○鏑○倥○傴○而○此○意○未○嘗○不○行○其○間○蓋○天○以○
生○物○之○心○寄○此○一○人○耳○顧○後○之○儒○者○斷○絕○小○文○媒○續○
微○辭○閉○門○聽○難○以○爲○學○道○則○天○地○何○賴○焉○觀○公○之○行○
事○仁○心○爲○質○擎○陰○方○結○而○陽○和○霍○然○其○不○滅○之○令○踪○
蓋○千○載○如○一○日○也○令○子○長○白○先○生○令○宗○義○述○其○梗○槩○
一○一○識○其○大○者○使○後○之○人○有○考○焉○

周節婦傳

康熙戊辰五月山西巡撫陸公以周節婦事上於朝天子下之有司烏頭雙表天光爛然其子孝廉馬珽徵於世之能文者爲文以張之按節婦姓周氏臨洮郡丞某之孫女世居安邑之巖城年十五歸於諸生馬君崇疆生子二曰珽曰瓚而馬君卒節婦年方二十求死不得廼忍貧鞠育遂不施膏沐日處寒燈敗帷中順治己丑土寇之亂鋒鏃縱橫襁負流散節婦能保其二子如在社席事平之後野無青草室如懸磬垂暮老姑柴水交困節婦身執家苦不以貧

狹縮其醬菜。又使其子從事於學。博士倚席說經。鏗猶然承平舊家故態。由是二子照爛文筆。遂爲國器。康熙甲子。廷舉於鄉。霜雪之後。繼以陽和。天之報施苦節。未嘗不刻期而信也。嗟夫。家猶國也。當節婦之稱。未亾。馬氏亦中衰矣。而節婦有死之心。卒乃中興。馬氏亦猶田單之存燕。汾陽之再造唐室一也。凡今之人。侈社稷苞桑之功。而輕單門風雨之瘁。此之謂不知類矣。今聖天子無幽不燭。使農里之事。得以上達。剛常名教。不因之而益重乎。康侯以其事屬余傳之。余不得而辭也。

余恭人傳

恭人余氏相國有丁之孫刑部郎中繩訓之女年十六歸謝君子宣是時謝公象三巡按山東而宣子家居與陸文虎萬履安讀書文虎曾謂余曰近得謝宣子不特秦川貴公子固名輩之冠冕也一切厨養園畜之事皆恭人主之檢御門族靜然四屋使宣子敬案之功不牽於閨闈尋登崇禎癸未進士第明年宣子殉難恭人年纔二十八老人涕泣於堂上孤子悽惶於膝下丹旒歸魂青燈不哭九死之心卒延鍾箭南渡哀榮死事宜子贈太僕寺少卿謚忠節於是得

封恭人柴天改玉之交。皇風未暢，鼎族阽危。謠言沸火，公爲前朝大臣，未免鞠躬傲吏之下，狼狽折札之命。一門百口，流矢影風，顧有憂色。恭人鎮以整暇，如處無事。雖屯苦備經，卒開閉否之運。養生送死，總歸禮教，非其才識絕人，何以有此。卒於康熙壬戌十一月十八日，享年六十有六。子五，長爲霖，同知州事。次爲兆，諸生。次爲憲，癸卯舉人。次爲肱，次爲衡，廩生。考授州同知。女二，長適歲貢生高奕襄，次許諸生范正國。孫七，德輿、德寬，皆諸生。德懋、德聞、德用、德量、德充。孫女五，曾孫六，曾孫女三。甲申之變，凡夫人之在

京郎者。或從子而死。或從夫而死。成德之母張淑人。全鉉之母章恭人。汪偉之妻耿恭人。劉理順之妻萬淑人。妾李孺人。馬世奇之妾朱李二孺人。陳良謨之妾時孺人。固皆地捲朔風。庭流花雪。而其景象之慘惡者。新樂侯劉文炳之杜太夫人。集子女同死樓上。其子婦先死。次長女死。杜太夫人六縊而後死。少女縋斷而墜不得死。乃開牕擲身樓下。血如泉湧。又不死。有老蒼頭在側。曰：夫人何不死於井乎？少女曰：不可。太夫人命同死一處。豈得違之？遂脫金條脫賞蒼頭。重扶樓上。助其結縋始死。溫璜之死於新安。其女

年十四方熟睡母夫人推醒之。女問爲何。夫人曰：死耳。女曰：諾。父母各引繩尾，縊之。余爲之作傳，淚泫泫不能止。因念史遷絕無此等文字，使後人讀之，無不痛哭者。宋之亾也，文陸身殉社稷，而謝翱方鳳龔開鄭思肖，傍徨草澤之間，卒與文陸並垂千古。然則諸夫人之從死者，固女中之文陸也。若恭人者，淒楚蘊結，亦猶之謝方龔鄭皆天地之元氣也。爲衡介萬公擇，求余傳之。蓋去宣子殉難之時，四十七年矣。

廣師說

自科舉之學興而師道亾矣。今老師門生之名徧於天下。豈無師哉。由於爲師之易而弟子之所以事其師者非復古人之萬一矣。猶可謂之師哉。古人不輕自爲師。以柳子厚之文章而避師之名。何北山爲朱子之再傳而未嘗受人北面。亦不敢輕師於人。昌黎言李翱從僕學文。而李翱則稱吾友韓愈。或稱退之。未嘗以爲師也。象山爲東萊所取士。鵝湖之會。東萊視象山如前輩。不敢與之論辨。象山對東萊則稱執事。對他人則稱伯恭。亦未嘗以爲師也。卽如近世

張陽和其座師爲羅萬化尺牘往來止稱兄弟不拘世俗之禮也嗟乎師之爲道慎重如此則所以事其師者寧聊爾乎故平居則巾卷危立於雪中危難則斧鑕冒死於闕下掃門撰杖都養斬版一切煩辱之事同於子姓賀醫閭之事白沙懸其像於書室出告反面緒山龍溪於陽明之喪皆築室於塲以終心制顏山農在獄近溪侍養獄中六年不赴廷試及山農老而過之一茶一果近溪必手捧以進其子弟欲代之近溪曰吾師非汝等可以服事者楊復所之事近溪亦以其像供養有事則告而後行此其事師曷嘗

同於流俗乎流俗有句讀之師有舉業之師有主考
之師有分房之師有薦舉之師有投拜之師師道多
端向背攸分乘時則朽木青黃失勢則田何糞土固
其宜也近世有淮海劉文起師岳西來薦生則事若
嚴君死則心喪踰制爲之嗣以世之爲之廟以享之
爲之田宅以永之猶恐其不聲施於後世也求能文
之士以章之古人事師之義復見於今矣將使劉峻
杜口昌黎不傷孤另也

南雷文定三集卷三

山陽門人戴

曾

較訂

金石要例

碑版之體至宋末元初而壞逮至今日作者既張
王李趙之流子孫得之以荅賻奠與紙錢寓馬相
爲出入使人知其子姓婚姻而已其壞又甚於元
時似世系而非世系似履歷而非履歷市聲俗軌
相沿不覺其非元潘蒼崖有金石例大段以昌黎
爲例顧未嘗著爲例之義與壞例之始亦有不

例而例之者如上代兄弟宗族姻黨有書有不書
不過以著名不著名初無定例乃一一以例言之
余故摘其要領稍爲辨正所以補蒼崖之缺也

書合葬例

婦人從夫故誌合葬者其題只書某官某公墓誌銘
或墓表未有書暨配某氏也張說爲蕭灌神道碑云
南城侯之夫婦同刻碑銘其題贈吏部尚書蕭公神
道碑其妻章氏出事實於內題則不列楊炯爲王義
重神道碑其子師本陪葬亦不別爲標題自唐至元
皆無夫婦同列者此當起於近世王慎中集中如處

士陳東莊公暨配黎氏墓表蓋不一而足也

婦女誌例

婦女之誌以夫爵冠之如某官夫人某氏或其官某人妻某氏庾信陳子昂張說獨孤及皆然若子著名則以子爵冠之如柳子厚爲王叔文母誌書戶部侍郎王公先太夫人河間劉氏婦人後夫而死者其葬書祔葬權德輿集中弘農楊氏河東縣君柳氏博陵縣君崔氏皆如此例

書名例

碑誌之作當直書其名字而東漢諸銘載其先代多

只書官唐宋名人文集所志往往只稱君諱某字某使其後至於無考爲可惜

稱呼例

名位著者稱公名位雖著同輩以下稱君耆舊則稱府君昌黎集中有董府君獨孤府君張府君衛府君盧府君韓府君有文名者稱先生如昌黎之稱施先生貞曜先生皇甫湜之稱昌黎韓先生友人則稱字如昌黎之於李元賓樊紹述張孝權元姚牧菴稱趙提刑夫人爲楊君則變例也

墓誌無銘例

墓誌而無銘者蓋序事卽銘也昌黎張圓之誌云敘次其族世名字事始終而銘曰云云蓋所謂誌銘者通一篇而言之非以序事屬誌韻語屬銘猶如作賦者末有重曰亂曰總之是賦不可謂重是重亂是亂也故無銘者猶賦之無重無亂者也正考父之鼎銘云一命而僂再命而偃三命而俯循墻而走亦莫敢余侮簡於是粥於是糊余曰比干銅盤曰右林左泉後岡前道萬世之寧茲焉是保漢滕公石銘曰佳城鬱鬱三千年見白日吁嗟滕公居此室此有韻之銘也季札之喪孔子銘其墓曰嗚呼有吳延陵季子

之墓衛孔悝鼎銘曰六月丁亥公假於太廟公曰叔
舅乃祖莊叔左右成公成公乃命莊叔隨難於漢陽
卽宮於宗周奔走無射啓右獻公獻公乃命成叔纂
乃祖服乃考文叔興舊耆欲作率慶士躬恤衛國其
勤公寤夜不解民咸曰休哉公曰叔舅予女銘若
纂乃考服悝拜稽首曰對揚以辭之勒大命施於烝
彝鼎此無韻之銘也古來原有此兩樣墓表神道碑
俱有銘有不銘

單銘例

敘事卽在韻語中昌黎房使君鄭夫人殯表大理評

惠胡若墓銘盧渾墓誌銘

墓表例

墓表表其人之大畧可以傳世者不必細詳行事如唐文通先生宋明道先生之表是也

歐文胡瑗石曼卿墓表皆不書于姓今制三品以上神道碑四品以下墓表銘藏於幽室人不可見碑表施於墓上以之示人雖碑表之名不同其實一也故墓表之書于姓墓表之有銘不可謂非也自有墓表更無墓碣則墓表之製方跌圓首可知矣故與碑分品級柳州稱神道表神道與墓無品級之可分也

神道碑例

柳州葬令曰凡五品以上為碑龜趺螭首降五品為
 碣方跌圓首此碑碣之分是凡言碑者即神道碑也
 後世則碣亦謂之碑矣豈以神道二字重於墓乎地
 理家以東南為神道蘇環碑建於瑩北一十五里亦
 曰神道碑

宋孫何碑解云班固有泗亭長碑文蔡邕有郭有道
 陳大丘碑文其文皆有序冠篇末則亂之以銘未常
 以碑為文章之名也治李翺為高愍女碑羅隱為三
 叔碑梅先生碑則所謂序與銘皆混而不分集列其

目亦不復曰文戾孰甚焉今當如班蔡之作存序與銘通謂之文可也

楊炯爲成知禮神道碑其碑銘之後有係曰若楚辭別自一體

婦人妃主亦稱神道碑如張說和麗妃息國長公主李華東光縣主楊綰郭汾陽夫人是也

行狀例

行狀爲議謚而作與求誌而作者其體稍異爲謚者須將謚法配之可不書婚娶子姓

昌黎狀並晉亦書子姓

柳州

狀段太尉狀柳渾是也爲求文者昌黎之狀馬韓柳

州之狀陳京白香山之狀祖父是也

婦女行狀例

王魯齋曰衛公叔文子卒其子請謚於君曰日月有時將葬矣請所以易其名者請謚之詞意者今世行狀之始也自唐以來有官不應謚亦爲行狀者將求名世之士爲之誌銘而行狀之本意始反矣觀昌黎廬陵東坡三集銘人之墓最多而行狀共不過五篇而婦人不爲也又知婦人之不爲行狀之意亦明矣按江淹爲宋建太妃周氏行狀任昉裴野皆有婦人行狀非婦人不爲行狀也

行述例

歐陽玄銘曾秀才云行述似翁所作亭木魯翀作姚
天樞神道碑云其子侃以公行實徵錄歐陽發作事
迹此皆與行狀名異而實同也今既有行實又有行
狀無乃重出乎

誄例

誄亦納於壙中故柳州虞鶴鳴誄云追列遺懿求諸
后土誌銘亦可謂之誄元鄭師山爲洪頤墓誌銘云
其門人俞溥狀其言行俾爲之誄以識其葬

子孫爲祖父行狀例

今人爲其父行狀稱父之父爲王父王父稱爲曾王
父曾王父稱爲高王父非也稱謂當以父爲主故穆
員狀父云高祖弘遠曾祖固禮祖思恭考元休未嘗
以員之自稱易之孫逖父銘陳子昂父志皆如之

碑誌煩簡例

誌銘藏於壙中宜簡神道碑立於墓上宜詳然范仲
淹爲种世衡志數千餘言韓維志程明道亦數千言
東坡范蜀公志五千餘言唯昌黎煩簡得當

先廟碑例

先廟碑見於昌黎集中者皆敘述之由本其得姓

之始祖功宗德而已。至元則侈大其子孫於祖宗反
畧焉。先塋先德昭先等碑名雖不同其義一也。宋景
濂爲單氏先塋碑銘云：公之勲業不附先德之後，何
以白前人積累之深，雖昧於造文之體，不暇卹也。當
知碑先德而後子孫者，非文之正體矣。

書祖父例

蔡邕祖攜碑云：攜字叔業，曾祖父勲，攜生稜，稜生邕。
邕至勲，連身六世。故後漢邕傳稱勲爲六世祖，而唐
穆員爲其父誌高祖上一世，則稱五代祖。陳子昂誌
父墓五世祖太樂生高祖，方慶生會祖，湯湯生

祖通通生皇考辨柳州父神道表六代祖慶五代祖
曰高祖楷蘇子美父誌亦然此當從後

范育呂和叔墓表稱會祖爲皇考祖爲王考庾承宣
爲田布碑稱會祖爲王大父柳州柳府君墳前石表
辭稱高祖王父會祖王父祖王父

不書子婦例

女子重所歸故婚多書子婦例不書楊炯爲曹通神
道碑載子婦一人以其倍窆於塋內也裴抗爲田承
嗣神道碑載子婦二人以其爲宮主也而未之黃裳
誌夫人黃氏男三長曰淳娶孫氏次曰昱娶楊氏少

曰延娶張氏楊慈湖誌舒元質云生子五人曰鉞叔
晦壻曰鉞娶袁氏曰銑簡女女焉曰錯娶趙氏曰鏞
叔和之壻也方大琮誌其父云大興娶溫陵趙奉直
不劬之女大琫娶福唐林簡肅栗之孫女大鏞娶薛
左史元昇之孫女誌林景詵云男榮公聘王氏誌徐
母趙氏云子庭蘭娶俞料院某之孫女此外諸家文
集亦不多見至元而古法蕩然闔復廣平王碑元明
善淇陽王碑無不書子婦矣

子女不分書所出例

子女皆統於父雖異母而不分書所出在唐如權德

輿誌李巽三夫人四子不言某屬某氏楊綰作郭汾

陽夫人神道碑六子八女俱書夫人下在宋歐公誌

蘇子美先娶鄭氏後娶杜氏三子誌梅聖俞初娶謝

氏再娶刁氏子男五人女二人溫公誌呂獻可始娶

張氏後娶時氏四子六女荆公誌葛源元配孫氏繼

配廬氏三子一女誌蘇安世娶葉氏又娶某氏子四

人女子五人誌李宗辨男十五人女十九人俱書夫

人季氏下是皆以父爲主不必分屬之母此定例也

然婦無別誌卽附見夫誌之內者前後夫人不妨分

爲子女如昌黎碑楊燕奇夫人李氏有男四人女二

人後夫八雍氏有男一人女二人誌昭武李公三娶
元配韋氏生子絃女貢次配崔氏生綽紹綰今夫人
無子白樂天之誌元微之穆員之誌鄭叔則皆用此
例逮元姚牧菴碑姚樞書子女某出某出虞伯生志
牟應龍亦書某出張起岩狀張宏夫人趙氏姜氏二
子元節趙出元里姜出此非古法之所有也

婦人誌書子女例

婦人之誌非其所生者不書臨川誌曾易占子男六
人畢鞏牟宰布肇女九人其誌夫人吳氏子男三鞏
牟宰女一

妾不書例

婢妾所生之子書其子不書其母如昌黎誌李邢云
夫人博陵崔氏七男三女邢爲澄城主簿其嫡激鄜
城令放芮城尉漢監察御史漣洸潘皆進士是崔氏
所生只激一人其六人皆不書其母誌李惟簡云夫
人崔氏公有四子長曰元孫次曰元贊元立元本元
立元本皆崔氏出其二子皆不書其母誌鄭君云初
娶韋肇女生二女一男後娶李則女生一女二男其
餘男二人女四人其餘者蓋婢妾所生故不書其母
李定母仇氏王文公爲李閒誌書定於正室浩氏之

下不書仇氏古例皆然至元而壞之劉敏中忠獻碑
書妾李謙爲張文謙神道碑書側室姚牧菴阿力海
涯碑書如夫人潘澤碑子希永他室李出蘇天爵高
文貞碑銘子男三人履恒麻夫人出益側室王氏出
耶律有尚碑子男五人長楷次朴次權皆伯德夫人
出也次栝次檢庶也宋景濂方愚菴墓版文稱妾爲
少房

不書子姓及妻例

周隋碑誌多不書子姓并不書配其時夫婦各自爲
誌故不書至於合葬者夫人必書如庾子山之段永

南齊文定
十
司馬喬柳霞侯莫道生宇文顯和諸碑是也後來歐陽爲石守道誌不書妻某氏子某名尹師魯亦不書子名有書子不書妻周隋間多有之至唐如孫述誌李嵩獨孤及誌姚子彥皆然

單書嗣子例

周隋之碑單書嗣子未嘗人人而書也觀庾子山諸碑司馬喬但書世子侃長孫儉但書墩等兄弟紇干弘但書世子恭等崔詵但書世子洪度辛威但書世子永達段永但書世子安唐權文公爲伊慎神道碑但書冢嗣餘書息男十六人

書孫曾例

昌黎碑誌只書子女更無書孫者孫逖爲杜義窳碑
書孫以表其墓權文公爲王端碑書孫以其葬王父
白樂天碑崔孚書孫以其求文張曲江爲呂處真書
其孫女爲李仁瞻書其孫李廻秀爲裴希惇書其孫
皆以立碑故其他皆不書也至宋則皆書孫矣不特
孫也且及於曾孫矣廬陵蘇明允誌書孫曾子固誌
錢純老書孫東坡狀溫公書孫子固誌沈率府子三
人某某孫八人某某曾孫三人某某東坡范蜀公誌
書曾孫女虞伯生碑張弘範書孫六人某官某曾孫

十一人某官某

書孫胥例

葉水心載氏誌書孫婿虞伯生狀董文用孫女十人
長適某次適某某馬石田銘劉伯戶孫女四人一適
某二適某唐時孫婿不敢入碑誌或列之碑陰與先
友一例權文公之碑王光謙是也

書外甥例

王文公仁壽縣太君徐氏誌書外孫四十七人

孫不宜分屬例

今世書孫又各於孫下系以某子所出雖雜曰男子

謂姊妹之子爲出公羊傳蓋舅出以節此子坐與魯襄公俱是莒外孫同所自出故凡言出者因母姓而云也今以出屬之於父不通其矣且父在則孫俱屬之父子不私爲一己之有也

不書婿祖父例

女之所適但書婿之姓氏不當及婿之祖父也元明善誌袁夫人史氏書女長適宋相史莊肅公嵩之之孫似伯次適工部尚書余天任之孫昌期次適宋資政殿大學士史岩之之孫益伯以顯宦著名故變例書之蘇天爵誌袁文清女四人其二人書適故觀文

殿大學士趙某孫由錫適故相史忠定王玄孫公侑
其一人書適同知袁州路總管府事趙孟貫適處州
儒學錄余應桀二書祖父二不書者以著名不著名
也然已爲濫惡今世不論馬鑿夏畦一槩書某某之
子若孫某不知何謂也

書生卒年月日例

凡書生卒止書某年某月某日不書某時

書國號例

凡書出仕於前代稱其國號當代稱皇柳州柳渾陳
京狀等也

書妻變例

張景妻唐氏再適宋祁載之

書女變例

韓文公三女其長女初適李漢改適樊宗懿誌書婿左拾遺李漢聿集賢校理樊宗懿次女許嫁陳氏三女未笄聿卽婿之別名此皇甫持正變例也

塔銘例

柳州云凡葬大浮圖無竈穴其於用碑不宜然柳州之爲浮圖碑多矣今釋氏之葬不曰碑銘而曰塔銘者猶存不宜用碑之義也

書僧臘例

今之爲塔銘者於其終也書僧臘若干世壽若干因話錄云釋氏結夏隨其身之輕重以蠟爲其人解夏之後以本身驗於蠟人輕則爲妄想耗其氣血矣今作伏臘之臘失其義矣柳州書爲僧凡若干年其壽若干或凡年若干爲僧若干基

僧稱公例

凡僧稱某公皆以其名宋景濂塔銘可按也今乃以其字稱公此村野驅烏所爲奈何文章家因之

寺碑例

宋景文筆記云碑者施於墓則下棺施於廟則繫牲
古人因刻文其上今佛氏揭大石鏤文士大夫皆題
曰碑銘何叩按儀禮碑在堂下三分庭之一當碑揖
宗廟路寢庠序皆有碑所以識日景是不特繫牲而
用也碑於釋氏無礙名義如王簡棲頭陀寺碑文其
來已久矣

銘法例

祭統銘之義稱美而不稱惡此孝子孝孫之心也故
昌黎云應銘法若不應銘法則不銘之矣以此寓褒
貶於其間然昌黎之於子厚言少年勇於爲人不自

貴重誌李于單書服泌藥一事以爲世誠誌李虛中亦書其以水銀爲黃金服之冀不死誌王適書其謾負高事誌李道古言其薦妄人柳泌皆不掩所短非截然諛墓者也

論文管見

昌黎陳言之務去所謂陳言者每一題必有庸人思路共集之處纏繞筆端剝去一層方有至理可言猶如玉在璞中鑿開頑璞方始見玉不可認璞爲玉也。不知者求之字句之間則必如曹成王碑乃謂之去陳言豈文從字順者爲昌黎之所不能去乎。言之不文不能行遠今人所習大槩世俗之調無異吏胥之案牘旗亭之日曆卽有議論敘事敝車羸馬終非鹵簿中物學文者須熟讀三史八家將平日一副家備盡行籍沒重新積聚竹頭木屑常談委事無

不○有○來○歷○而○後○方○可○下○筆○顧○愴○父○以○世○俗○常○見○者○爲○清○真○反○視○此○爲○脂○粉○亦○可○笑○也○

作○文○雖○不○貴○模○倣○然○要○使○古○今○體○式○無○不○備○於○胸○中○始○不○爲○大○題○目○所○壓○倒○有○如○女○紅○之○花○樣○成○都○之○錦○白○與○三○村○之○越○異○其○機○軸○今○人○見○歐○曾○一○二○轉○折○自○詭○能○文○余○嘗○見○小○兒○搏○泥○爲○炆○擊○之○石○上○鏗○然○有○聲○泥○多○者○聲○宏○若○以○一○丸○爲○之○總○使○能○響○其○聲○幾○何○此○古○人○所○以○讀○萬○卷○也○

敘○事○須○有○風○韻○不○可○擔○板○今○人○見○此○遂○以○爲○小○說○家○伎○倆○不○觀○晉○書○南○北○史○列○傳○每○寫○一○二○無○關○係○之○事○

使其人之精神生動此頰上三毫也史遷伯夷孟子
屈賈等傳俱以風韻勝其填尚書國策者稍覺擔板
矣

文必本之六經始有根本唯劉向曾鞏多引經語至
於韓歐融聖人之意而出之不必用經自然經術之
文也近見巨子動將經文填塞以希經術去之遠矣
文以理爲主然而情不至則亦理之邪廓耳廬陵之
誌交友無不嗚咽子厚之言身世莫不悽愴郝陵川
之處真州戴剡源之入故都其言皆能惻惻動人古
今自有一種文章不可磨滅真是天若有情天亦老

者而世不乏堂堂之陣正正之旗皆以犬文目之顧其中無可以移人之情者所謂剝然無物者也

作文不可倒却架子爲二氏之文須如堂上之人分別堂下戚否韓歐曾王莫不肯然東坡稍稍放寬至於宋景濂其爲大浮屠塔銘和身倒入便非儒者氣象王元美爲章質誌以刻工例之徵明伯虎太函傳查八十許以節俠神又下矣

廬陵誌楊次公云其子不以銘屬他人而以屬修者以修言爲可信也然則銘之其可不信表薛宗道云後世立言者自疑於不信又惟恐不爲世之信也今

之爲碑版者其有能信者乎而不信先自其子孫始
子孫之不信先自其官爵贈謚始聊舉一事以例其
餘如

主江西試以試策犯時忌削籍有無賴
子高守謙結黨十餘人恐喝索賂不應遂掠其資

以去尋死崇禎初昭雪死事者竄名其中得贈侍
讀學士今其子孫乃言逆奄竊柄

抗疏糾叅幾

至不測閣臣爲之救解已而理刑指揮高守謙等緹

駟逮訊

辯論侃侃被拷掠而斃崇禎初贈侍讀

學士謚文忠脫空無一事實不知文忠之謚誰則爲
之且并無賴之高守謙授以僞官真可笑也潘汝禎

建逆奄祠於西湖

已卧疾不能起奄敗遂有

言

入祠不拜爲守祠奄人所挺因而致死以之

入奏者今無不信之矣近見修志有無名子之子孫

以其父祖入於文苑勃然不悅必欲入之儒林而止

嗚呼人心如是文章一道所宜亟廢矣

所謂文者未有不寫其心之所明者也心苟未明劬

勞憔悴於章句之間不過枝葉耳無所附之而生故

古今來不必文人始有至文凡九流百家以其所明

者沛然隨地湧出便是至文故使子美而談劍器必

不能如公孫之波瀾柳州而敘宮室必不能如梓人

之曲盡此豈可強者哉